



Universitätsbibliothek Paderborn

Nucleus Practici Tractatus, De Legibus

Marchius, Ewald

Coloniæ Agrippinæ, 1660 [erschienen] 1661

Cap. XXXI. Quomodo actu[s] consuetudinis qui sunt contra legem, possint contra eam præscribere si sint malæ fidei, & quantum temporis requiratur, ut consuetudo præscribat contra Legem

urn:nbn:de:hbz:466:1-42256

Quamodo actus Consuetudinis, qui sunt contra Legem, possint contraream præscribere, si sint male fidei; & quantum temporis requiratur, ut consuetudo præscribat contra Legem?

Respondeo, quod licet in principio facientes contra Legem, peccent, & mala fide agant, tamen eorum successores possunt præsumere ex aliquâ justâ & sufficiente causâ, vel ex Principum conniventia, non fuisse servatam talem Legem, atque ita bonâ fide continuare non observationem. A tempore autem istius bonae fidei currere tempus requisitum ad Præscriptionem. Deinde videtur etiam fieri posse, quod talis consuetudo à bona fide inchoetur, puta si subditi probabiliter putent, materiam Legis sive circumstan-
tias, ita esse mutatas, ut Lex cessare debeat, & eo nomine non observant, quia existimant, Legem amisisse vires suas, licet interim, revera istæ rationes non sint tantæ, quod propter illas Lex per se desierit esse, nihilominus ta-
men ex illâ suâ opinione non observant Le-
gem, idque per debitum tempus continuant.

Hinc etiam non videtur absolute necessaria-
rium, quod actus contra Legem, quibus ea tollitur, ab initio sint peccaminosi quod su-

pra

prædictum est, docere Suarez; licet necessarium sit, quod Lex cognoscatur, & quod actus sint contra Legem: quia non est necessarium, quod contra facientes existimantur, aut sciant, Legem adhuc habere vires, sed satis est quod velint simpliciter non facere, quod Legem continetur, sic quod nolint hoc amplius tanquam Legem observare, sive ex contumacia, sive ex aliquâ probabili ratione, & bonâ fide. Ita ex Cajetano & Panormitano in cap. iude Feudis. Wiggers loco citato.

Quo ad tempus vero quod requiritur, ut consuetudo præscribat contra Legem? Respondeo breviter cum distinctione, quam Doctores omnes adhibent, scilicet quod ad præscriptionem contra Legem civilem requiratur, ac etiam sufficiat tempus decem annorum: Ad Præscriptionem vero contra Canones requiratur tempus annorum 40. ut etiam in Nucleo meo de Jure & Justitia cap. 7. docui. Prior pars patet, quia Jus civile, sive ad Legem indicendam, sive ad eam abrogandam, requirit tantum tempus longævum; ut constat ex lege de quibus tempus autem longævum ut in eodem Jure definitur est tempus decem annorum, ut habetur in constit. de usucaptionibus. §: I.

Posterior pars est communis sententia. Ita

L. 6

In-

Innocentius in capit. cū Dilectus de Consuetudine. Panormitanus in capit. ult. & capit. i. de Feudis & pace Antoninus i. part. tit. 6. §. 4 Sylvestris verbo Consuetudo q. 4. & alij summis ad idem verbuna.

Et probari potest, quia Præscriptio legitima contra Ecclesiam requirit tempus 40 annorum juxta Capitulum ad aures, cum alijs tit. de Præscr. Consuetudo autem contra Canones potest merito dici contra Ecclesiam, cum sit contra Ecclesiastica Jura, & ideo eius Præscriptio, ut sit legitima, debet esse quadragenaria.

C A P U T XXXII.

An Consuetudo rationabilis possit inducere Legem non scriptam, & quid ad eam in tali casu requiratur.

Respondeo, quod possit inducere legem non scriptam, ubi lex non erat, idque tum via conniventiae, tum via Præscriptionis Suarez lib. 7. de legibus cap. 16. addens, quod etiam possit legem penalem inducere, ubi in primis hoc

Notandum est, quod licet consuetudo facti, aliquando sit irrationalis, v.g. quia actus sunt contra legem naturae, aut divinam, vel contra honestatem. Nunquam tamen consuetudinem Juris posse esse irrationalis,